

Poesias

Autor(en): **Sialm, G.B.**

Objektyp: **Article**

Zeitschrift: **Igl Ischi : organ della Romania (Societat de Students Romontschs)**

Band (Jahr): **41 (1955)**

PDF erstellt am: **08.07.2024**

Persistenter Link: <https://doi.org/10.5169/seals-881756>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

Poesias

da Sur G. Batt. Sialm

Mumma cugl Affon

Protegia, o Mumma, e meina, Affon,
Nus staunchels che mein mo plaun plaun vinavon!
Urbescha, o Mumma, conceda, Affon,
Ch' il Bab a nus detti daniev in bien onn!

O Maria!

O Maria,
Olma pia,
Biala glisch dil paradis!
Po empeila
Sc' ina steila
Era nus al sogn parvis!

Cun Maria

Cun Maria
Vegn la via
Propi clara.
E la veta

Ha valeta
Bia pli cara.
O Maria,
Buna, pia,

Mei protegia!
Mumma mia,
A ca-tia
Mei diregia!

Il Num de Maria

Tiu num sublim, pleins pietad,
Ch' ei screts en tschiel uss per adina,
Resplenda della sontgadad,
Tiu Num »Maria«, o Regina!

Davos quei Num grondius, pussent
Stas Ti, Ti tezza en persuna,
Cur ch' El sil mund, sul firmament
En grev suspir in laud resuna.

Leu sin parvis profund il tgau
Ils aunghels sbassan en carezia,
Cu 'ls sogns Tiu Num han intonau;
Il tschiel vibrescha da letezia.

Tiu Num ei glisch che renda clar
E fa fugir la stgiradetgna,
Che vul ell' olma penetrar
E medegar la passadetgna.

Tiu Num ei grazia dil parvis
Che volva dalla mala via,
Carmala, dond migeivel is,
Tiu Num sontgissim, o Maria!

Tiu Num ei pleins consolaziun,
Ch' il cor sesaulza, giubilescha;
Tiu Num camegia fiug e tun,
Ch' il nauschaspért svanesch' en prescha!

Quei Num il Segner sez ha dau
A Ti, Maria, o graziada!
Cun forza ha el Quel armau
E mess rempar sco in' armada.

Cu 'l vegn in di, miu grev combat,
Ch' jeu dun a tut sil mund adia,
Mo in giavisch per mei ei dat:
»Il Num de Jesus e Maria!«

La rosa cun spina

O rosa carina
Ti' olma zun fina,
O di, mia flur,
Pertgei has adina
Sper tei ina spina,
Amur e dolur?

La flura ch' ei castga
Sezupp' ella frastga
En niebel vestgiu
E cun sia spina
Rebatta rapina
Dil mund malvugliu.

La matta cun tschupi

Dal stufi crest-cadruvi si
La matta mava cun tschupi:
La tuor-baselgi' ei s' enclinada!
Ei er' in di festiv e clar,
Ch' jeu mavel viers il sanctuar
Ed hai tertgau: »O Ti beada!«

In til de bara va in di,
Resch alvs sco neiv ei siu vischi.
En quel ei portan la beada.
Sissu fermaus ei siu tschupi,
Las flurs aunc alvas sco tscheidi:
La tuor s' enclina l' outra gada!

O notg, ti benedida!

O notg, o neu, ti benedida,
Cuviera tut cun tiu manti!
In pign mument, e gia cupida
La tiara cun il staunchel di.

Avon miu égl ei stgiradetgna,
Lev lev er' el sesiara giu.
Dolur e tutta grevadetgna
Semettan el ravugl de Diu.

Jeu sentel, co mi' olm' entscheiva
Sedestadar, sereghegliar,
E sentel, co la reiva, reiva
Ensi ad ault enviers il clar.

Leusi las steilas che giavinan
Carinamein e dattan is!
Mi paran aughels che cantinan
In cant lontan dil paradis.